



Proklamation



zum Egerchinger' Narrechlapf 1978

Grossi und au chlyni Narre,
Chömet nöcher zu däm Chare!
Allne Lüt wos inträssiert
Sägen ig, was jetz passiert:

Der Schuss isch duss der Chlapf isch ab!
Mir Narre setze d'Gmeinröt ab
Und jage se samt eusne Tschugger
Für sächs Tag furt - hauets zum Gugger!

Mir Narre wei jetz s'Dorf regiere,
Wei luschtig si und zirkuliere
I allne Beize und Lokal,
Wie würke au i jedem Saal.

Drum isch's e dringende Befähl
Für Rot und Schwarz und Grünen und Gääl:
Sitzig ha, das isch verbotte!
Mir ellei tüe d'Lag berote.

Und no eis - das schynt mer wichtig
Drum befihlen ig Euch richtig:
Chömet alli! Machet mit!
Für Aerger hei mer jetz kei Zyt.

Und setti Di halt einisch träffe
E Schnitzelbank - gang nit go chlämme.
Lach au! Mach mit!
Süschi lache villicht anger Lüt.

Sit alli luschtig und fidel.
Dr Aeschermittwuch chunnt jo schnäll.
Und nämet mäenge rächte Schluck
Nach em Motto «Dry mit Druck»!

Am Narrechlapf am 1. Hornig - Hampe I. (s'isch wäg der Ornig)